



Selasa, 20 Juni 2023

Ogen: Joel 2: 28-32



MINDO PENAMPAT MAN TUHAN



I bas kegeluhen enda, kerina kalak ndalanisa seh ku tujunna sekalak-sekalak. Dauh ras dekahna perdalanen teptep jelma la seri. Kerina ndatken kesempatan si la seri termasuk, la ka kerina kalak ngasup makeken kesempatan e alu mehuli. E maka kerina kecibal geluhta e nentuken ku bas wari pendungi. Bagenda me siituriken Joel kerna wari pendungi pe pagi. Dibata si hadir i tengah tengah kegeluhen bangsa e mereken Kesahna man kerina kalak, la erdobahen la erpilihan. Kerina ibere Dibata. Dibata mereken tanda-tanda i langit ras i doni janah tanda e me kebiaren man kerina kalak. Amin man kebiarenken tanda-tanda e, kepeken man kalak si ernalem man Dibata la man kebiarenken. Sabap padanNa maka kerina kalak si mindo penampat man Dibata terkelin.

Bage me kegeluhen kalak si erkiniteken, i bas kerina kecibal si man kebiarenken sanga nggeluh i doni enda denga pe i jamin Dibata. La sitik kebiaren si lit man alankenta, sijumpai i bas perdalanen geluhta. Si la bagi ukurta. E maka mindolah man Tuhan, andalken Tuhan sabap IA me sierkuasa segedang kegeluhen i bas teptep jaman IA ngenca sierkuasa. Adi ia me si erbahan tanda-tanda e, tentunya IA ngasup ngaturkenca alu bage kalak si nggeluh si mindo man baNa ikelinina.

Pindolah penampat man Tuhan. Ula kal darami penampat i bas si itepaNa. Megati siakap penampat e bagi singetep lacina, e maka la kita sabar nimai si niarapken kita kerina. Kurang pedas ras lampas siakap kita isampati Dibata. Pediatlah KesahNa sienggo iusekenNa man banta mabai, ngajari kita guna ngidah ras nggelem padan Tuhan maka isampati dengen ikeliniNa kita. Kita e me anak-anak si enggo ipilihNa guna ngenanami keselamatan si isikapkenNa la saja i doni enda tapi pe i bas wari pendungi pepagi. Pindolah!